

Filipenses

Mamabuinore coyuhiyebu Pablo bácu ñi toivaicõjeiye báquede paperayocare Filipos ãmicuriñmarocavu Jesúre ju aipõevare. Pablo bácu judíovacacu bácvacari, Jesús ñi yávaiye méne beorí coyuhicõjeimu marejaquémavu, coyuçayu ñi yávaiye méne judíova ãmevare, judíova ne ju abe boje ñi coyuhiyede. Lucas bácu coyuarejaquemavu Pablo báci borore Hch 7:57-8:1, 9:1-31, 13:1-28:31, aru ñi cuedede Filipos ãmicuriñmaroi Hch 16:11-40, 20:1-6. Pablo bácu toivaicõjenejaquemavu iyoca paperayocare ñi cuedede ãmeina teivare jení jacoñami. Apevu ne dápiaiyepo, toivaicõjenejaquemavu diyocare ãniñju bácarõre 55 d.C., ñi cuedede ãmeina teivare jení jacoñami Éfeso ãmicuriñmaroi. Ñbenita apevu ne dápiaiyepo, toivaicõjenejaquemavu diyocare ãniñju báquede 60-63 d.C., ñi cuedede ãmeina teivare jení jacoñami Roma ãmicuriñmaroi. Que baru javede Pablo bácre toivacaipõecu bácre toivaicõjenejaquemavu pucayoca ñi paperayocare Tesalónica ãmicuriñmarocavare, aru pucayoca ñi paperayocare Corinto ãmicuriñmarocavare, aru ñi paperayocare Galacia ãmicuriñjoborõcavare. Aru apevu ne dápiaiyepo, javede toivaicõjenejaquemavu ñi paperayocare Roma ãmicuriñmarocavare, aru Éfeso ãmicuriñmarocavare, Colosas ãmicuriñmarocavare, aru Filemón mácre máre. Pablo bácu coyuarejaquemavu áre toivacaipõecu bácre aipe ñi toivacaquiye báquede diyocare.

Diyocaque Pablo bácu torojuede jídejaquemavu ina Filipos ãmicuríimarcavu Jesúre ju aipõevare ne daroiye báquede tâuturare úre (2:25, 4:14-19). Pablo bácu jabova ne buoimvacari torojurejaquemavu (1:12-26, 2:17-18, 3:20-4:1, 4:10-13). Aru diyocaque jãdovarejaquemavu Jesúre ju aipõeva torojurivare ye baju ãmevu ne c̄eade, ne c̄eade méne o ãmene máre ijãravui, yópe Jesucristoi daiye báquepe (2:5-11). Coyurejaquemavu Timoteo báchi borore (2:19-24), aru Epafroditu báchi borore (2:25-30), u baju ãi daiyede (1:3-8, 12-26, 3:4b-14), aru aipe daiye jaúrõre Jesúre ju aipõevare (1:9-11, 27-2:4, 2:12-16, 3:1-4a, 4:2-9).

*Pablo ãi meaicõjeino Filipocavure
(Hch 16.12)*

¹ Yü, Pablo, aru ñai Timoteo máre Jesucristore memecaivu, meaicõjeivu m̄jare, Filipos ãmicuríimarcavu Jãmenijichí põevare, Jesucristore ju aivare. Yu toivaicõjeivu apecare iyoca paperayocare m̄jare, Jesúre ju aivare cor-eipõevare, aru náre caðateipõevare máre, aru caivu m̄ja Jãmenijichí põeva c̄urivare Jesucristo que cãinávape.

² Majepacu Jãmenijichu, maje jabocu Jesucristom-
aque, mearo dacakacurí m̄jare bojecubeda ãi
me boje. Aru torojurí c̄are dajacurí m̄jare
cãrijimevava.

Pablo ãi jẽniaino Jãmenijichu que Jesúre ju aipõevare

3 Cainumaa ji ãrhéne m̄jare, toroj̄ede jívu yu Jāmenijic̄are, ji jaboc̄are aru ji mearore jím̄are, m̄jare boje.

4 Aru cainumaa ji jēniacaiyede Jāmenijic̄que caivu m̄jare boje, toroj̄avu yu ji ūmei.

5 Yu toroj̄arī jívu toroj̄ede Jāmenijic̄re, m̄je cadateiye boje yure ji coyuuyede Jesús ūi yávaiye méne m̄je mamarum̄u Jesúre ju aijāravu bácarōmiareca pu caride máre.

6 Dijāravu, m̄je mamarum̄u ju aijāravu bácarōi, Jāmenijic̄ mearo dacarī bárejaquemavu m̄jare. Aru coreóvaivu yu mearo dacare nucuyure m̄jare pu Jesucristoi copaidaquijāravu baquinóita. Dijāravu baquinóre m̄ja meara márajivabu yópe Jāmenijic̄ai aiye báquepedeca ūi daquiyede yópe ūi urōpe.

7 Jāmenijic̄ ūi meac̄ baju boje memecare daibi caivu majare Jesucristore. Que baru ãrvu yu m̄jare, ji umarare, ji ūmei. Aru ji que ãrhé métamu, caivu m̄ja m̄je cadateiye boje yure. M̄ja cadateivabu yure caride b̄oim̄u cūc̄ure, aru ji jādovaiyede jāvene Jesús ūi yávaiye méne aru ji ju are daiyede p̄œvare diede.

8 Jāmenijic̄vacari majibi jāve uc̄ure caivu m̄jare urarōreca, yópe Jesucristo ūi uepedeca m̄jare.

9-11 Yópe arī, jēniacaivu yu Jāmenijic̄que m̄jare boje: “Ñujepac̄ Jāmenijic̄, p̄eno baju n̄ure dajac̄ nāre, ju aiv̄re ne uede ne bajumia, aru ne majiéde mi yávaiyede jāvene, aru ne coreóvaiyede aipe daiye jaurōre nāre”. Yópe arī jēniaivu, m̄je beorājiyepo ayu iye p̄eno baju

mearo daiye jaurõre mujare. Que teni ãmeno cãbequiyebu mujaque aru boropatebenajivãbu mujá Jesucristoi copaidaquijãravã baquinóre, põeva ne puedarãjiyepe aivã Jãmenijicãre aru ne jinajiyepo aivã mearore ūre. Que ðarãjivãbu na, mujé mearo daiye boje. Aru Jesucristorecabe cãináçra no mearo ðare ðayã mujare.

Pablo “Yúcapûravã cñvã ijãravãi memecacñyã Cri-store” ñi yávaino

(Hch 16.19-40; 28.30; Gá 2.20; Col 3.4)

12 Muja, jívã, coreóvare daiyãvã mujare apevã obedivã jápiaivãre Jesús ñi yávaiye méne iye vaiye boje yure.

13 Que baru caivã ina churarava, jabocã cãramine coreivã, aru caivã apevã máre, coreóvaivãbu yure jabovai bñoiimãre, ji memecaiye boje Cristore.

14 Aru obedivã ina majevã Jesúre ju aipõeva, ne jãiyede yure bñoiimãre, parãre nñama ne ju aiyede Jesucristore. Que teni caijãravãa pñeno baju parurõreca coyãivãbu Jesús ñi yávaiye méne jidãbevãva.

15 Apevãcapûravã jorojñama yure, põeva ne puedaiye boje yure, ji coyãiye boje Jesús ñi yávaiye méne. Que baru coyãyama Jesús ñi yávaiye méne pñeno baju parurõreca, põeva ne puedarãjiyepe aivã me náre, yure ne puedaiye pñeno. Que teni ne jorojñi maucãvaiyãe boje yure, coyãivãbu Jesús ñi yávaiye méne. Ñbenita apevãcapûravã coyãivãbu Jesús ñi yávaiye méne, ne mearo daiyãe boje aru ne cadataiyyãe boje yure.

16 Aru ina coyəivəbu Jesús ūi yávaiye méne ne ue boje yare. Coreóvaivəbu na Jāmenijicə cəre dəyare yare bəoimare, ji coyəquiyepə ayə “Jāvemu” Jesús ūi yávaiye ména.

17 Übenita apevə coyəivəbu Jesús ūi yávaiye méne, ne jorojīye boje yare ne āmeno dāpiaiyeque. Coyəbema na meaūmeque. Quénora coyəyama meara nare darājivə apevə pəeno. Nópe daivəbu pəeno baju chīori ūnjine daiyurūduivə yare, ji jápiaiyede ne daiyede ji bəoimə cəede.

18 Ye baju āmevu ne ūnjine darūduiyede yare. Quéda meavə ne coyəiye Cristorā. Ye baju āmevu ina coyəipōeva ne coyəino ne dāpiaino mearoque o ne dāpiaino āmenoque. Quédala torojəvə yə ji ūmei, caivə nare ne coyəiye boje Cristorā.

Aru torojare nəquijivə ji ūmei.

19 Yə me majivə jodenajivəre yare āmeina teivare jēni jacoīñamine jocarī, məje jēniacaiye boje yare Jāmenijicəque aru Jesucristoi Espíritu Santoi cədateyiye boje yare.

20 Pare əvə yə caiye vaiquiyede yópe ji coreiyepə, cəyoje tebecəyə cainəməa ji daiyeque. Quénora daiyəvə yə cainəməa yópe daiye jauepe yare. Que baru caride aru cainəməa jidəbecəva coyəquijivə Cristorā. Que teni puedaquijivə Cristore caiye ji daiyeque, pōeva ne majinajiyepə ayə ū pəeno meacə bajure. Que daquijivə yə apəcə baru o yaiyá baru máre.

21 Yúcapūravə cəvə memecacəyə Cristore ijāravə, pōeva ne mearore jínajiyepə ayə ūre. Aru ji yaiyede pəeno baju meaquiyebu yare, ji cəquiye boje Cristoque.

22 Ubenita curī jaroyu baru ijāravui, apevu pōevare ju are dayu buojaquijivu Jesucristore. Que baru ye majibevu yu aipe beoibe jaūrōre yure.

23 Pūcaūmeamu ji ūme. Pare yaiyuvu yu, cūcuyu Cristoque. Que baru ji yaidú, pūeno mearo baju meajebu yure.

24 Ubenita pūeno baju jaūv u mūjare ji cūe cāreja ijāravui, cadatecuyu mūjare.

25 Que baru yu me majivu aipe ji beoquiyede. Beocayu mu cūcuyu cāreja ijāravui, cadatecuyu caivu mūjare, mūje ju arājiyepo ayu pūeno baju Jesucristore, aru torojare dacuyu mūjare mūje ūmei, pūeno baju mūje ju aiye boje ūre.

26 Que teni ji cūede mūjaque cojedeca pūeno baju mearore jinajaramu mūja Jesucristore yure boje.

27 Yo cūinárore dārī cōmajide nūrajino jaūv u mūjare. Cainamua dājarā mūja yópe Jesús ūi yávaiye me daicōjeiyepo. Que baru yu nūñu maru o nūmecu baru mūje yebai, jápiacuyu mu mūje borore mūja ju aivure parurōreca iye yávaiye méne, dajocabevuva diede, cūináturu mūje ūmei aru cūináro mūje ūrōre máre. Que teni jápiacuyu mu mūja memeivu re parurōreca cūináv upe, pōeva ne ju arājiyepo ayu Jesús ūi yávaiye méne.

28 Cuavaicōjemejara ina maucuvarivu re mūjare. Jidubejarā nāre. Que teni mūja jādovarajaramu nāre, nácapūravu bíjarājivu re Jūmenijicu re jocarī. Ubenita mūjacapūravu jādovaivu bu mūje daiyeque meadarājimarare. Jūmenijicu meadacuyu me mūjare.

29 Que baru mūjarecabu Jūmenijicu mearo

daimara, maje memecarājiyepo ayu Jesucristore maje ja aiyede ūre aru no puenoreca maje ñájiyede máre, ñi yávaiye méne coyaiye boje.

30 Aru caride maja yapedeca cūinátaru ñájini memeivubu maja, coyurājivu iye yávaiye méne. Javede maja jāvu ji ñájiyede. Aru caride máre ji ñájiyede jápiaivubuya maja.

2

Cristo, Jamenijicu baju, ñi pōecupe teino aru ñi jaboteino caivare

(Mt 26.39; Jn 1.1-3; 10.18; Col 1.15; He 2.9; 5.8; 12.2)

1 Jesucristorecabe parure dayu mājare maje ûmei. Ùi ue boje mājare cārijimene dāibi mājare maje ûmei. Ùi Espíritu Santo cubi mājaque maje ûmei. Aru ure dāibi mājare, maje cadatenajiyepo ayu aru maje cōmaje ãroje jārajiyepo ayu mājevare.

2 Que baru parurōreca jēniaivu mājare, maje torojare dārājiyepo ayu yare ji ûmei pueno baju, cūinátaru maje dāpiaiyeque, cūinátaru maje ueque mājevare, cūinátaru maje ûmeque, aru cūinátaru maje hrōque máre.

3 Dabejarā maje daiyede, meara nare dārājivu apevhu pueno. Aru dabejarā maje daiyede “¿Meara mārica apevhu pueno?” aivu. Quénora dāpiabejarā maje baju mearape apevhu pueno. Cainamua “Apevhu ji pueno mearamu na”, arī dāpiajarā.

4 Aru vobejarā quénora maje baju pueno meara nuiyede. Quénora dajarā apevare máre, ne meara nūrajiyepo aivu pueno baju.

5 Dápiajarā m̄je baju yópe Jesucristoi dápiaiye báquepedeca ñi baju, ðarājivu yópe ñi ðaiye báquepedeca.

6 Cainum̄a Jāmenijicu bajurecabe ñi. Ùbenita “Jāmenijicui paruépedeca c̄uvavu yu”, abede-jaquemavu.

7 Quénora ñi baju ue boje dajocarejaquemavu iye ñi paruéde, p̄oevare memecacuyu. Que teni p̄oetedejaquemavu p̄oescupe. C̄etedejaquemavu p̄oescu ãrojacu.

8 Dápiabedejaquemavu ñi baju meacupe apevu p̄ueno. Quénora paruerejaquemavu ñi baju apevu cāchino. Que teni j̄u arejaquemavu jípacu Jāmenijicure pu ñi boarī jaruvaicōjeiyeta ñi mauvare ñi baju. Aru cuyoje ðarī, boarī jaruvarerjaquemavu õre, ne p̄vaimu mácu re jocucujaravena.

9 Que baru Jāmenijicu epedejaquemavu õre caivu ne jabocuva. Aru ãmidorejaquemavu õre yo ãmiá mearo bajure caivu ne pueðaiãmia p̄ueno.

10 Que baru caivu cavarō mearo Jāmenijicui c̄urōcavu, aru caivu ijaborōcavu, aru caivu joborō jívucavu máre ne jápiaiyede Jesúi ãmiáre ñuatutarājarama, pueðarājivu õre.

11 Aru caivu j̄u aivu, “Jesucristo maje jabocube”, arī coyurājarama caivu ne jápiaiyede. Que teni caivu mearore jínajarama majepacu Jāmenijicure.

Maje boropatebeno Jāmenijicui jāinoi

12 Muja, jív, ji umara, que baru yópe ðajarā. Maje ðarī cōmajiyepo ji cōjeiyede yópe ji bueiyede javede ji c̄ede mujaque, nopedeca p̄ueno baju yure j̄u arī, ðajarā ji bueiyepo caride, ji

cæde joai mæjare jocarī. Mæja Jämenijicai meadaimaratamu. Que baru pueðajarā Jämenijicare me. Aru cainamua memene nujara mæje daiyeque, cüräjivu me aru cüvabenajivu pücañmea máre.

¹³ Jämenijicarecabe ãrure dayu mæjare mæje ûmei iye mearo daiye jaûrõre mæjare, mæje torojurí daiyurâjiyepo ayu mearo daiyede. Aru ãrecabe cadateyu iye mearo daiye jaûrõre yópe ûi urõpe.

¹⁴ Caiye mæje daiyede dajarā torojurí ãmeina yávabevuva aru jarabevuva mæje baju máre.

¹⁵ Que baru boropatebenajaramu mæja. Aru mæje ãmeno daiye cübequiyebu. Aru Jämenijicai mára, ãmeno cübevuva, barâjáramu mæja. Mæje cæde ijäravucavu jujovaivu aru pueno ãmeno daivu ne jëneboi, mæje cadateiye jauvu náre, ne jârajiyepo aivu ne ãmeina teiyede aru mæje mearo teiyede yópe abiácovai cadateiyepe pöevare cojiéque, ne jârajiyepo aivu ñamine.

¹⁶ Nopedeca mæja cadateivubu ijäravucavure mæje coyhiyede náre iye yávaiye méne, ne coreóvarâjiyepo aivu aipe cüvarâjivu jâravu cüiméjâravu baquinóre. Mæje que ðaru, jâdovarajivubu ji mememeniduiye báquede mæje yebai ji bueiye báquede mæjare. Que baru torojacuyumu yu ji ûmei mæjaque Cristoi copaidaquijâravu baquinói, ji coreóvaiye boje ji cæ báque aru ji memecaiye báque máre bojecabe ãmene.

¹⁷ Jämenijicai me torojabi mæje ju aiyede Cri-store. Ùi nópe torojæde coreóvaivu yu. Apevu yure boarí jaravaiyuma, ji bueiye boje mæjare Cristo jiede. Übenita yure boarí jaravarureca,

torojuçuyamu yu.

¹⁸ Quédeca muja máre torojujarã muje ūmei. Aru
ujarã ji torojuede ji ūmei máre mujaque. Que teni
caivu maya torojujarãjaramu maje ūmei cūináturu.

*Timoteo aru Epafroditu ne curānuino Filipoi
(Hch 16.1-3)*

¹⁹ Maje jabocu Jesus ūi uru, jaroiyuvu yu Tim-
oteore muje yebai, ūi cadatequiyede ayu mujare.
Que teniburu yóboi, ūi copaidaquiyede ji yebai
cojedeca, torojuçuyamu yu ji ūmei ji jápiaquiyede
muje borore.

²⁰ Ñai Timoteo cūinácrabe cõmaje ãroje dápiayu
mujare ji dápiaiyepedeca. Úrecabe jâve cadateiyucu
mujare.

²¹ Caivu apevu ye dápiaabema aipe darí cadateni
buojarãjivure iye memecaiyede Jesucristore
darãjivure yópe ūi urõpe. Quénora ne bajumia
cadateiyurí dadama ne urõpe.

²² Aru mujavacari coreóvaivubu jâve cadateyure
iye memecaiyede Jesucristore. Ūi daiye báquede
jâdovaimi memecayu meacure. Ū coyuibi Jesus ūi
yávaiye méne yuque, apevu põeva ne jápiarãjiyede
ayu diede, yópe juedocu ūi memeiyepe jípacuque
cadateyuu ūre.

²³ Que baru ūrecabe ji jaroquimu muje yebai,
cūiná ji majiquiyede ayu aipe yócavu ne jabova ne
darãjiyede yuque.

²⁴ Aru maje jabocu Jesus ūi uru, yu máre mau-
mena jácunuiyuvu muje yebai.

²⁵ Ji dápiaju jaroije jauvu yure muje yebai
majecu Epafroditore, muje daroimu mácure ji
yebai, ūi cadatequiyede aivu yure. Ū memeimi

yáque ñeje memecaiyede Jesucristore, apevu ne maucuvaedeca ñejare.

26 Ujácunuiyubi caivu mujare pare. Urarõ cãrijimi ûi ûmei ûi jápiariburu yóboi muje jápiaiye báquede ûi borore ijimure.

27 Jáve ijimu mateáme. Pare ñájiame pu ûi yainiduiyeta. Übenita Jämenijicu cõmaje ãroje jâquemavu ûre, quénora û matuiyeda ãmevu, yure máre. Que baru Jämenijicu ûmedavaquemavu ûre, ji chîomequiyepo ayu pueno baju.

28 Que baru pueno baju jaroiyuvu yu ûre muje yebai, muje torojurâjiyepo ayu muje ûmei cojedeca, muje jâiyede ûre bediôva, ji chîoiye cûiquiyepo ayu.

29 Que baru torojurivu copu etajarâ ûre me, yópe Jesûre ju aipõeva ne copu etaiye jauepe apevu névure. Puedajara caivu ûpe paivure.

30 Ürecabe yainiduyu bácu, ûi memecaiye boje Jesucristore. Jidubeteame ûi baju yaijuroede, cadatacuyu yure, muje cadataivu buojabe boje yure.

3

Põeva ne boropateiye cubeno ne daiyeque

(Hch 8.3; 9.1-2; 22.4; 23.6; 26.5, 9-11; Ro 2.28-29; 6.11-13; 8.29; 11.1; 2 Co 3.18; Gá 4.19; 6.14-15; Col 2.11-13)

1 Muja, jívu, cujarâ torojurî maje jabocu Jesucristoque cûinávupe. Üetubevu toivaicõjeivu yu apêcure bediôva cojedeca iye majié jauede mujare, muje curâjiyepo ayu me Jesucristoque.

2 Me jájara ina apevu põeva ne ãmeina jâimarare, aru ãmeina daivure, aru ûmuva ne baju ne cajede

buraicōjeivare máre. Ne cajede buraicōjeiye boje, “¿Jāmenijicai pōeva márica majá?” arī dāpiarīduyama. Que teni nácapūravu napini coreniduivabu Jāmenijicai meadaquiyede náre, ne nópe daiye boje.

3 Ubenita majacapūravu jāve Jāmenijicai pōevatamu. Que baru majarecabu mearore jívu Jāmenijicure jāve, Espíritu Santoi b̄ojare daiye boje majare. Aru majarecabu torojuři curivu Jesucristo que cūinávupe. Aru majarecabu “¿Jāmenijicai meadaquidica majare maje daiye boje?” arī dāpiabevu.

4 Ácu pōecai napini coreni b̄ojaru Jāmenijicai meadaquiyede ūre āi daiye boje, yávacari āi p̄ueno napini coreyu b̄ojajebu diede.

5 Yurecabu ne buraimu mácu ji cajede ocho paíjāravu ji pōeteniburu yóboi, yópe ne daiyepe caivu ãmava judíovare. Aru yurecabu Israecacu, aru pōeyajubo Benjamín ãmicuriyajubocacu. Jipacu aru jipaco máre judíovabu. Judíovai yávaicamuare yávaivu yu. Aru yávacari, fariseo bácu, dāri cōmajidejacacu Jāmenijicai daicōjeiyede āi coyuiye báquede Moisés bácre yópe apevu fariseovape.

6 Urarō ji memecaiyurīduiyede Jāmenijicure, yávacari ñájine darejacacu ina Jesúre ju aipōevare. Aru urarō ji daiyurīduiyede yópe caiye iye daicōjeiyepo meacu bacuyá, pōecu cabedejame ãmeina yávarí b̄ojayu yure.

7 Jipocamia caiye diede corevarīdurejacacu bojecuepe yure. Ubenita caride corevayabu caiye diede ye bojecubede yure, Jesucristoi mearo dacaiye boje yure.

8-9 Aru pæno bajutamu caijñe ji cœvajœro. Corevayœbu bojecœbede yare. Bojecœvu yare caiye pæno ji coreóvaiye ji jabocu Jesucristore. Que baru dajocaivu caiye iye ji daiye báquede, aru ji cœvae báquede, aru ji napini coreiye báquede máre, memecacuyu Cristore. Caiye iye báquede ji coreóvaiyede jarœvaiyepa paiyebu caride, Cristo jicu bacuyare aru cœcuyare úque cœinavœpe. Que baru caride yu dabevu yópe Jämenijicai daicœjeiyepa, ûi jäquiyepe ariduyu yare meacupe yópe ji ëariduiye báquepedeca. Quénora caride Jämenijicu jäimi yare meacupe, ji ju aiye boje Cristore. Que teni Jämenijicurecabe meacu ëayu yare ûi jainoi ji ju aiyede Cristore.

10 Que baru cœinároratamu ji urõ caride. Coreóvaiyu yu Cristore me, coreóvacuyu iye parœde nacovaiye báquede úre yainore jarœvarí, ñajicuyu ûi ñájiye báquepedeca, aru ãrojacuyu úpe ûi yaiye báquede.

11 Que baru napini coreivu yu Jämenijicai nacovaquiyepa ayu yare máre yainore jarœvarí, ji cœquiyepa ayu järavu cœiméjäravu baquinóre.

*Jämenijicu ûi pœvare bojedaquino
(1 Co 4.16; 11.1)*

12 Yópe arí, abevu yu: “Jave bœajaivu yu caiye iye yare daiye jaœede, meacu bacuyu yópe Jämenijicai uröpe”, abevu yu. Jaœvu yare cœreja ji meacu baquiyépe yópe Jämenijicai uröpe. Javede Jesucristo beorí ïnejaquemavu yare ûi jicuva, ji cœquiyepa ayu úque cavarõ mearoi meacu baju yópe Jämenijicai uröpe. Aru cainamua memecaivu yu Jesucristore caiye ji majiéque aru caiye ji

parahéque máre, eachuyu ji cahuinore úque cavarō mearo Jāmenijicai cahroí.

13 Muja, jívü, yácapúravü corevabevü jave eayü bácre diede. Que baru cūinároramü ji daino: Áru mevü yü iye ji daiye báquede; quénora áruvü yü iye ji daquiyede, yure jaquiyede.

14 Yópe yajuipõecai cuyaíyepa nurié, pü cuyaíma tħaravaita, nopedeca yávacari nħñamü nurié pü buojayata ji memecaiyede Jesucristore, cahuyü úque cavarō mearoi jāravü cūiméjāravü baquinóre, yópe Jāmenijicai ħrōpe ū cutuiyede ina cħarajivure Jesucristo que cūinávüpe.

15 Nópe dápiaiye jaħvü caivü majare, coreóvaivure aipe maje ju aiyede Jesúre. Que baru cūinátarü maje ūme dápiarājarevü maja. Ubenita apevü mħajacavü “Jave meara matħivübu maja yópe Jāmenijicai ħrōpe”, ubenina ne arī dápiaru, Jāmenijica coreóvare dacħuyüme ne que dápiaiye jāve āmene.

16 Cūinároramü ji coyuino mħajre caride. Maje dápiaiye aru maje eaiye máre daiye jaħvü majare coapa, yópe iye Jāmenijicai yávaiyede jāvene, maje coreóvaiyepa.

17 Muja, jívü, dare nħjara yópe ji daiyepa. Yóvajarā apevure ina daivure ji daiyepedeca. Aru me jājara ina cħrivure nħuje cahpedeca.

18 Obedijāravüa javede yü coyuċacü mħajre iye coyuħiye, chħiore daiyede yure. Aru coyuqrijivü caride bediόva cojedeca ji orique, ji ħrarō chħoiye boje. Obedivü pőeva cūma maucuvarivü iye yávaiye méne Cristoi yaiye báquede jocħucjaravena. Ne caede ijāravui jādovaivübu, “Ye baju āmevü Cristoi

yaino mácarõ joc̄c̄jaravena”, ne arĩ dápiaiyede.

¹⁹ Nárecabu bíjaroimara márajivu Jämenijicure jocarĩ. Que daimara, n̄erajarama na toabo cüiméboi. Nárecabu mearore jíbevu Jämenijicure. Übenita jíyama mearore ne baju urre. Que teni ne ãiye ne jämenijicupe paiyebu. Cuyoje tebenama ne ãmeina daiyede. Quénora, “¿Meara márica majá?” adama ubenina. Nárecabu dápiabevu cavarõ mearo Jämenijicai curðquede. Quénora dápiadama ijãravuquede.

²⁰ Übenita majacapûravu ijãravuquede ãmevu. Quénora cavarõ mearo Jämenijicai curðcavutamu majá. Que baru torojurĩ maje ümei napini coreivuquede, urrejáiyurivu majare meadaipõecure, maje jabocu Jesucristore, ãi daquiyede ijãravu quede, cavarõ mearo ãi curðre jocarĩ.

²¹ Úi daquiyede, oatuvacuyume maje bajuá parubebajua yainájibajuare, maje c̄varâjiyepo ayu maje bajuá cüimébjaua majare coapa ãi baju cüimébjaupe. Nópe dacuyume ãi majié paruquede. Iye ãi majiéque purucuhabi caiye ijãravuquede aru caivu ijãravuquede máre. Que teni caiye vaiquiyebu yópe ãi urre.

4

Torojajarã muje ümei muje c̄ue boje Jesucristo que cüinávape

(Col 4.2-7; 1 Ts 5.16-18)

¹ Muja, jívu, ji umara, pare jãiyuve mujare. Torojurĩ ãrvu mujare. Muje ju aiye boje ji bueiyede, yu c̄vacuyumu mearore cavarõ mearo Jämenijicai curði. Paredeca ju are n̄jara Jesús ãi

yávaiye méne. Jaravabejarã diede. Quénora cajarã cūinávape Jesucristo que, yópe muje cajepe caride.

2 Parurõreca jeniaivu ico Evodiare aru ico Síntiquede máre. Ne Jesúre ju aiye boje, curivabu áque cūinávape. Que baru cūinávare dápiajarari na ne ûmei.

3 Aru jeniaivu mure, ji yóvaimure, jâve cadateyure yure. Cadatejacu ina pucarõmiva nomivare, ne cärijimene darajiyepé ayu ne bajure. Nárecabu memeivu bácvu paredeca yáque, pöeva ne ju arajiyepé aivu Jesús ûi yávaiye méne. Que baru mi cadateiye jaevu náre caride. Memedama Clemente que aru apevu Jesucristore memecaivu que máre. Aru ne ãmiá chvu toivaiye curõita, Jämenijicai paperatucubo, caivu ina järavu cüiméjärvu baquinóre cavarivu áque ne ãmiáre toivaitucubo jívui.

4 Cajarã torojarã muje ûmei cainumua muje chede maje jabocu Jesucristo que cùinávape. Que baru coyivu mujare cojedeca: Torojarã muje ûmei.

5 Caivu pöeva coreovajarari mujare cadateiyurivure apevu pöevare. Maje jabocu Jesucristo ûi copaidaquino maquinó joabenotamu. Que baru cadatejarã caivure.

6 Aru caiye iye mujare vaiyede, cärijimejara muja. Übenita caiye iye mujare vaiyede, torojuede jíni Jämenijicare, coyajarã áre mujare jaéde. Aru jeniajara áre muje jeniaiyede máre.

7 Que teni muja curajaramu me cärijimevua Jesucristo que cùinávape. Jämenijicarecabe cärijimene dayu mujare nópe, järi corecayu muje ûmene aru muje dápiaiyede máre. Aru yo cärijimeno

Jāmenijicai jíyede ye jápiarí eaivu b̄ojabenama na, p̄öeva ūre ju abevu.

Dápiajarā m̄ja mearore

8 Muja, jívu, caride b̄ojaivu yu iye ji toivaicōjeiyede apecare m̄jare. Yópe dápiajarā m̄ja: Ārujara caiye iye yávaiyede jāvene, aru caiye iye p̄öeva ne puedaiyede máre. Ārujara caiye iye méne, aru caiye iye me Jāmenijicai jāinore máre. Ārujara caiye iye p̄öevare ūre daiyede. Aru ārujara caiye iye p̄öeva ne me yávaiyede máre. Dápiajarā caiye iye p̄ueno baju méne aru caiye iye p̄öeva ne mearore jíyede máre.

9 Dajarā m̄ja yópe ji coyuiye báquepe m̄jare, aru yópe ji daicōjeiyе báquepe m̄jare. Dajarā yópe m̄je jāpiaiye báquepe ji coyuiyede, aru yópe m̄je jāiye báquepe ji daiyede máre. Que daru, ñai Jāmenijicavaci, cārijimenoque c̄are d̄ayu majare, c̄ucuyu me m̄jaque.

*Filipocavu ne cadateino Pablore
(Hch 17.1; 2 Co 11.9)*

10 Pare torojuvu yu ji ūmei ji c̄ede cūinávape maje jabocu Jesucristoque, m̄je cadateivu b̄ojabaiye boje yure. M̄je coreniburu yóbo joe baju, cadateivubu yure caride. Coreóvaivu yu dinum̄reca m̄je coreiyede, cadatenajivu yure cojedeca. Ārumetebetevu m̄ja yure. Quénora cadateni majibeteavu m̄ja.

11 Yávacari torojuvu ji ūmei, ji majiéde c̄vae boje. Que baru ñájimevu m̄je cadatebede yure.

12 Yurecabu coreóvayu c̄ucare ji c̄vae ūreque, aru c̄ucare yure jaueque máre. Que baru cainamua

aru ãri ji cãrõi máre torojãvã yã ji ãumei. Yã ji ãquiyede cãvacã baru aru ji ãquiyede cãvabecã baru máre, torojãrã majivã yã ji ãumei. Aru pãeno yare ji cãvae baru aru pãeno yare jaue baru máre, torojãrã majivã yã ji ãumei.

¹³ Cristoi cãe boje yãque cãinávãpe, parare dãibi ji ãumei. Que baru caijile vaiyede yare, dãiye majivã yare jauede yópe ãi urõpe.

¹⁴ Ùbenita meateavã maje cadateiyede yare ji ñájiyedeca.

¹⁵ Maja, Filipocavã, mjavacari coreóvaivãbu me ji etaiye báquede Macedonia ãmicurõre jocarã, apenoa ãmaroacavã Jesúre ju aipõeva cójijivaivã cadatebevã bácvare yare. Dinumhi ji buiye báquede bueyã Jesús ãi yávaiye méne mujare, maja quévura, Jesúre ju aivã cójijivaivã Filipoi, jiavã yare tãuturare, bojedarãjivã ji bueiye báquede mujare. Que teni jíni aru jacopurã máre buavã majae baju.

¹⁶ Ji cãe báquede Tesalónica ãmicuriñmaroi cãinárhmã aru apenhmã máre maja jaroávã yare tãuturare, yare jaue boje.

¹⁷ Torojãvã yã ji ãumei maje jíyede yare. Ùbenita pãeno baju torojãvã yã ji ãumei, Jãmenijicui me jãiye boje mujare maje yópe dãiye boje, maje cadateiye boje yare.

¹⁸ Jacopuvã yã caiye maje daroiye báquede yare Epafroditoque. Ùre cãvaede davacãbe yare, maje jíye báquede. Que baru caride pãeno baju cãvavã yã. Aru ye jaubevã yare. Yare maje jíye báque cojãvã Jãmenijicare yópe põeva ne juaiye mu-mijæde ne jíye cojuépe ãre. Nopedeca maje jíye

báque máre me cojvure.

19 Aru majepacu Jämenijicu, ji memecaimu, ure cuve cuvabi. Que baru jícuyume caiye mujare jauéde, muje ju aiye boje Jesucristore.

20 Jínajarevu maya mearore majepacu Jämenijicure cainmaa. Quédecabu.

Pablo ai meaicõjeino Filipocavure

21 Meajarari na, caivu ina Jämenijicui põeva, ina curivu Jesucristo que cuinávupe. Ina Jesúre ju aipõeva yáque curivu caride meaicõjedama mujare.

22 Caivu ina Jämenijicui põeva yócavu meaicõjedama mujare. Caivu pueno meaicõjedama mujare ina Jämenijicui põeva ñai jabocu ijárvacacu pueno baju paracui curamicavu.

23 Maje jabocu Jesucristo mearo dacajacuri mujare bojecubeda ai me boje. Quénoramu.

Majepacʉ jūmenijicʉ yávaiye mamaene coyʉitucubo

New Testament in Cubeo (CO:cub:Cubeo)

copyright © 2009 Wycliffe Bible Translators, Inc.

Language: Cubeo

Translation by: Wycliffe Bible Translators, Inc.

Cubeo [cub], Colombia

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cubeo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files

dated 29 Jan 2022

dbd749ed-4c37-5cd8-b20e-caf1f8ff5885